

Höcher

Ref.

Höcher wyter **schnäller**
Verliebe verliere **vergässe**



dialäggtrogg

Liebi gäh und nit empfangе wiene Quelle wo versiegt
Liebi vo wyt ewäg aagluegt wiene Vogel wo frei fliegt
Liebi usprässt wiene Frucht wo s'Läbelang nit ryfft
Liebi hinter Panzerglas usgschtellt und uffbewahrt wie Gift
Liebi erschtiggt in leere Träum wiene schwarzes grosses Nüt
Liebi verschwänded ane Zyt wos irgendwie nit git
Liebi wo sich verflüchtigt wie s'Gas vomene Ballon
Liebi lauft unbemerkt wie ne Drääne vomene Gloon

Ref.

Numme warte bis unändlich uf e Nüt wo plötzlich shtoot
Numme schreie bis es Schtill uusbrennt wenn nüt meh goot
Numme Zämmehäng unverschtändlich für dii isch alles klar
Numme wüsse was ich will wo nüt isch isch au nüt woor
Numme hoffe ufe Antwort au wens nüm Intressiert
Numme shtudiere anere Froog hinterhältig kalkuliert
Numme zerre am ene Shtandort wo d'nie hesch definiert
Numme zerre bis es rysst was Dy denn sälber irriert

Ref.

Wiene Blitzschlag voll ins Schwarze so goosch mir unter d'Hut
Wiene Rääge in my Seel schpüelsch du eifach alles furt
Wiene Wolggen am Bärggipfel umhüllsch du myni Gfüül
Wiene Bärgbach stürzisch z'Daal shtuur gradus und so chüel
Wiene Shturm uff offner See kippsch alles plötzlich um
Wiene Brandmool ynegfrässe, zeichnend für immer shtumm
Wiene Schnitt ins Härz duets weh luegsch ewäg gsesch nit gärn Bluet
Wiene böse Draum verträngt für Dii wird alles guet

Ref.

S U I S A ® Dieser Text ist Urheberrechtlich geschützt. Das öffentliche Aufführen Kopieren, sowie Bearbeiten bedarf der schriftlichen Genehmigung.